



Procesverbal i Dëgjimeve për
Buxhetin
e vitit 2024 dhe Kornizën
Afatmesme Buxhetore (KAB)
2024-2026
në
Amfiteatrin e Kompleksit
“Ukshin Hoti”, Krushë e
Madhe

INFORMATË RRETH NJOFTIMEVE

Njoftimi për organizimin e dëgjimeve buxhetore për buxhetin e vitit 2024 dhe KAB-in për vitet 2024-2026, u publikua me datë: 28.07.2023 në ueb faqen e komunës së Rahovecit, në këtë vegëz: <https://kk.rks-gov.net/rahovec/wp-content/uploads/sites/23/2023/07/KALENDARI-I-DEGJIMEVE-BUXHETORE-PUBLIKE-ME-QYTETARE-PER-BUXHETIN-E-VITIT-2024.pdf> në harmoni me afatet ligjore që i përcakton Udhëzimi Administrativ, si vijon:

*Në mbështetje të nenit 68, paragrafi 68.1 i Ligjit Nr.03L-40 për Vetëqeverisje Lokale të Republikës së Kosovës (Gazeta zyrtare e Republikës së Kosovës Nr.28/2008), nenit 17 dhe nenit 18 paragrafi 1, pika 1.7, të Statutit të Komunës së Rahovecit Nr. 1005, të datës: 29.03.2017, nenit 6 pika 1.3, i Udhëzimit Administrativ (MAPL) Nr.06/2018 për Standardet Minimale të Konsultimet Publike në Komuna, Rregullores Komunale për Transparencë me Nr. Prot. 2697, njoftojmë se nga data: **14.08.2023** deri me datë: **18.08.2023** nën organizimin e Drejtorisë për Financa dhe Buxhet dhe anëtarëve të Grupit punues për hartimin e Projekt-Buxhetit të Komunës së Rahovecit, do të organizohen njëmbëdhjetë (11) dëgjime publike buxhetore.*

*Dëgjimi publik me Qytetaret e Fshatrave Krushë e Madhe, Celinë, Nagavc, Hoçë e Vogël, Brestovc, për planifikimin e buxhetit për vitin **2024** dhe KAB-in për vitet **2024-2026**.*

Me qëllim të rritjes së nivelit të transparencës e llogaridhënies dhe për t'i mbajtur sa më të informuar banorët e komunës së Rahovecit, rreth orarit dhe vendit të mbajtjes së dëgjimeve buxhetore, janë bërë me kohë planifikimet dhe është publikuar me kohë kalendar i dëgjimeve buxhetore për njëmbëdhjetë (11) dëgjimet buxhetore në komunën e Rahovecit në këtë vegëz: <https://kk.rks-gov.net/rahovec/wp-content/uploads/sites/23/2023/07/KALENDARI-I-DEGJIMEVE-BUXHETORE-PUBLIKE-ME-QYTETARE-PER-BUXHETIN-E-VITIT-2024.pdf> më datë: 28.07.2023.

Po ashtu, bazuar në afatet ligjore janë njoftuar OJQ-të, Bizneset dhe Grupet e Interesit, Buxhetimi Gjinnor ku janë janë të informuar edhe gjinia **femërore**, si dhe Bashkësitë Lokale dhe lagjet urbane përfaqësuesit të shkollave dhe rininë, rreth mbajtjes së dëgjimeve me anë të publikimit të secilit njoftim veç e veç, për secilin vendbanim, në ueb faqe të komunës, shtatë ditë para mbajtjes së dëgjimit në atë vendbanim.

Njoftimi për mbajtjen e dëgjimit buxhetor me Qytetaret e Fshatrave Krushë e Madhe, Celinë, Nagavc, Hoçë e Vogël, Brestovc, u publikua më datë 04.08.2023, në këtë vegëz: <https://kk.rks-gov.net/rahovec/category/degjime-buxhetore-al/?page=1>

Njoftimet përveç që janë publikuar në ueb-faqe të Komunës, në Platformën për Konsultime Publike, në rrjetin social *Facebook*, njoftimet u janë dërguar edhe kryetarëve të këshillave të fshatrave dhe lagjeve urbane përmes rrjeteve sociale *Viber* dhe *WhatsApp*.

DËGJIMI PUBLIK ME Qytetaret e Fshatrave Krushë e Madhe, Celinë, Nagavc, Hoçë e Vogël, Brestovc

Dëgjimi buxhetor me Qytetaret e Fshatrave Krushë e Madhe, Celinë, Nagavc, Hoçë e Vogël, Brestovc që vepron në komunën e Rahovecit, u mbajt më: 14.08.2023 në Amfiteatrin e Kompleksit “Ukshin Hoti” në Krushë të Madhe, me fillim në orën **20:00**.

Zyrtarët pjesëmarrës në këtë dëgjim nga Grupi punues dhe zyrtarë komunalë, ishin: 5

- Femra ishin: 2
- Meshkuj ishin: 3

Qytetarë pjesëmarrës gjithsej të pranishëm ishin: 14

- Femra ishin: 2
- Meshkuj ishin: 12

Dëshmi janë listat nënshkruese të pjesëmarrësve në këtë dëgjim.

Dëgjimin e shpalli të hapur drejtori i Drejtorisë për Financa dhe Buxhet, Afrim Limani.

Afrim Limani: Përshëndetje për të gjithë të pranishmit, të nderuar përfaqësues të fshatrave: Krushë e Madhe, Celinë, Nagavc, Hoçë e Vogël, Brestovc, ju të pranishëm! Faleminderit që sot jeni këtu!

Jemi sot këtu në dëgjimet buxhetore, për të marrë kërkesat tuaja qytetarë të fshatrave: Krushë e Madhe, Celinë, Nagavc, Hoçë e Vogël, Brestovc, prioritetet që ju keni dhe më pas t'i harmonizojmë në planifikimin që bëhet për vitin 2024.

Buxheti për vitin 2024 do të jetë: 20,034,785.00 euro, **Paga dhe mëditje**, në vlerë prej 10,300,983.00 euro, **Mallra dhe Shërbime**, në vlerë prej 2,466,340.00 euro, **Shërbime Komunal**, në vlerë prej 370,000.00 Euro, **Subvencione dhe Transfere**, në vlerë prej 890,000.00 euro, si dhe **Investimet Kapitale** kapin vlerën prej 6,007,462.00 Euro.

Ju lus që kërkesat, edhe pasi t'i paraqisni këtu, me shkrim dhe të protokolluara t'i sillni dhe në Komunë, që më pas të cedohen nëpër drejtoritë përkatëse. Nëse ka dikush nga antarët e grupit punesmund të bashkëngjiten, nëse jo urdhëroni ju përfaqësues të fshatrave: Krushë e Madhe, Celinë, Nagavc, Hoçë e Vogël, Brestovc.

Sejfullah Sejfullahu, Krushë e Madhe: të nderuar, përshëndetje, i nderuar kryesues dhe ju të pranishëm! Faleminderit që sot jeni këtu me ne!

Kërkesat janë:

- Përroska te fshati Celinë të përfundohet brenda vitit 2024,
- Fusha sportive,
- Shtëpia - muze “Bajram Curri” të ndërtohet,
- Rugët fushore,
- Stadiumi i qendrës sportive, Krushë e Madhe.

Afrim Dina, fshati Celinë: të nderuar, përshëndetje, i nderuar kryesues dhe ju të pranishëm! Faleminderit që sot jeni këtu me ne!

Kërkesat janë:

- Rugët dytësore për shtrim, gjithsej 18 rrug; (2.2 km),
- Ndriçimi publik,
- Kanalizimi i një lagjeje në fshat,
- Rugët fushore.

Dafina Gashi, fshati Nagavc: të nderuar, përshëndetje, i nderuar kryesues dhe ju të pranishëm!
Faleminderit që sot jeni këtu me ne!

Kërkesat janë:

- Rugë fushore,
- Rregullimi i disa rrugëve të lagjeve me kubëza,
- Ndriçimi publik në rrugën kryesore.

Fatmir Sejfullahu, Krushë e Madhe, të nderuar, përshëndetje, i nderuar kryesues dhe ju të pranishëm!
Faleminderit që sot jeni këtu me ne!

Kërkesat janë:

- Mungesa e fushës sportive, arsye për shuarjen e aktiviteteve sportive të klubit “Bashkimi”,
- Rruga prej xhamisë, deri te Çerdhja e fëmijëve, të ndërtohet.

Afrim Limani: Faleminderit juve përfaqësues të fshatrave: Krushë e Madhe, Celinë, Nagavc, Hoçë e Vogël, Brestovc që jeni prezent dhe keni paraqitur kërkesat tuaja!

Mirë u takofshim!

Dëgjimi publik përfundoi në orën: 20:40

Rahovec, 16.08.2023

Ekrem Bytyçi
Kryesues i Grupit Punues

